



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 22.5.2017

Presidi: Peer-Puorger Victor
Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco
Fabrica: Paulmichi-Rodigari Albin

Giast/s:

tractandas	tema	responsabel
66	012 Executiva Acconsentimaint protocol	mf
67	021 Administraziun da fabrica Dum. da fabrica no. 026/2017, revitalisaziun ognas Panas-ch, cumün da Valsot, cumün politic da Scuol, cumün da vaschins da Scuol, parcelas 3795, 4909, 11540, 11535, 11542, Panas-ch, 7556 Ramosch	vp/ap
68	021 Administraziun da fabrica Dum. da fabrica no. 027/2017, annex tualetta nouva, Koch-Janett Natalia, parcella 7012, Saloms, 7559 Tschlin	vp/ap
69	021 Administraziun da fabrica Dum. da fabrica no. 024/2017, suost nouv per autos, Casura Corsin, parcella 10, Bügl Cuosp, 7557 Vnà Dumonda da princip	vp/ap
70	021 Administraziun da fabrica Dum. da fabrica no. 029/2017, stalla nouva per chavagls, Soldano-Demonti Raffaele, parcella 448, Tulai, 7558 Strada Dumonda da princip	vp/ap
71	790 Planisaziun dal territori Contrat da cumprita Tanter il cumün e Steivan Martinelli	vp
72	801 Vias champestras Surpassamaint vias champestras	vp
73	900 Impostas cumünalas Relasch d'impostas cumünalas Imposta da müdaman	vp/mf
74	012 Executiva Decisiun da recusaziun Plont pendent pro la procura publica	fr/mf

75	012 Executiva Orientaziuns	tuots
76	012 Executiva Varia (suprastanza cumünala)	tuots

012 Executiva

66 **Acconsentiment protocol**

Il protocol da la sezzüda dals 1. mai 2017 vegn approvà.

021 Administraziun da fabrica

67 **Dum. da fabrica no. 026/2017, revitalisaziun ognas Panas-ch, cumün da Valsot, cumün politic da Scuol, cumün da vaschins da Scuol, parcelas 3795, 4909, 11540, 11535, 11542, Panas-ch, 7556 Ramosch**

Reguard il proget da revitalisaziun Panas-ch vaiva gnü lö üna dieta d'infuormaziun per tuot la populziun da Scuol e da Valsot. A quella vaiva fat part eir la suprastanza. Il cumün da Scuol sco eir nos cumün han i'l fratep suottascrit la documainta. Uossa manca amo la conferma dal cumün da vaschins da Scuol. La suprastanza es perincletta cun quai e decida d'inviar inavant la dumonda pel proceder dal «BAB», quai davo cha Scuol ha eir suottascrit la documainta.

021 Administraziun da fabrica

68 **Dum. da fabrica no. 027/2017, annex tualetta nouva, Koch-Janett Natalia, parcella 7012, Saloms, 7559 Tschlin**

I's tratta da construir ün annex per üna tualetta chemica, chi uschè nu suottastà a la calculaziun reg. «BGF». La zona da privel vegn amo valütada d'ürant il proceder dal «BAB». La suprastanza es perincletta culla dumonda e decida da tilla inviar inavant a Cuaira.

021 Administraziun da fabrica

69 **Dum. da fabrica no. 024/2017, suost nouv per autos, Casura Corsin, parcella 10, Bügl Cuosp, 7557 Vnà**
Dumonda da princip

Per realisar quist proget prevezza il petent da cumprar üna strivla da 165 m2 da la parcella da M. W. El suottametta qua la dumonda da princip. La fatschenda es gnüda examinada davart da nossa cusgliadra da fabrica, Mengia Mathis. Quella piglia posiziun in sen, cha'l lö previs per quel suost saja fich delicat e cha las pretaisas esteticas sun là fich otas. Ün'intervenziun sto esser precisa, marcanta ed as sto integrar illa structura da cumün ed i'l terrain creschü.

Il preproget avantman nun accomplichscha quellas pretaisas. Quel significha mass'ün grond s-chav illa costa chi bsögness lura eir la construcziun da mürs considerabels.

Ella cussaglia da reagir in quel lö, scha pussibel cun ün volüm plü grond chi correspuonda a la structura existenta e da minimar las intervenziuns i'l terrain creschü.

La suprastanza es perincletta culla valütaziun preschantada e decida da refüsar la dumonda, quai resguardond exactamaing la posiziun da la cusgliadra.

021 Administraziun da fabrica

70 **Dum. da fabrica no. 029/2017, stalla nouva per chavagls, Soldano-Demonti Raffaele, parcella 448, Tulai, 7558 Strada**
Dumonda da princip

Previs es da construir üna stalla per duos chavagls ed üna remissa cun tablà sülla parcella vers ost. Cuasa cha'l cumün da Valsot posseda zonas da fabrica massa grondas vaiva la cumischium da planisaziun previs da tour our da la zona üna surfatscha da quista parcella da raduond 180 m2. Per sviar quel conflict propuona la direcziun da dischlocar il fabricat previs per ca. 1.50m plü vers vest e percenter da tour oura da la zona vers ost da la stalla ün triangul da ca. 102 m2. Cun quel cumpromiss es la suprastanza perincletta e decida d'aderir a la dumonda da princip.

790 Planisaziun dal territori

71 **Contrat da cumprita**
Tanter il cumün e Steivan Martinelli

Cul fabricat da la chasa d'abitar da F. G., il qual ha la parcella cun ün dret da fabrica dal cumün, d'eira gnüda fatta üna rimplaina chi'd es surpassada il cunfin da la parcella sün quella da Steivan Martinelli.

Cun Steivan es gnü cuvgni, cha'l cumün cumpra quella pitschna surfatscha tangada da 39m2 pel predscha da frs. 50.00 al m2 (frs. 1'950.00), quai per metter in net il cunfin da la parcella. Quist terrain vegn eir integrà illa zona da fabrica. Las gabellas in connex van a charg dal cumün. La suprastanza es perincletta cun quai ed aderischa a la fatschenda. Quella vain suottamissa a la radunanza cumünala.

801 Vias champestras
72 **Surpassamaint vias champestras**

Il manzunà d'eira gnü observà a La Resgia Ramosch. A quel es gnü concess l'udida giuridica, da la quala quel nun ha fat adöver. La suprastanza decida da til punir cun frs. 200.00. Ultra da quai til vegn inchargià frs. 10.00 pella vignetta dal di.

900 Impostas cumünalas
73 **Relasch d'impostas cumünalas**
Imposta da müdaman

Quista fatschenda suottastà al secret d'uffizi.

012 Executiva
74 **Decisiun da recusaziun**
Plont pendent pro la procura publica

Il capo ed il vicecapo piglian recusaziun. Duos abitants han inoltrà recuors cunter la procedura per ün permiss da fabrica. In quel connex han quels implü inoltrà la pretaisa da recusaziun per tuot la suprastanza cumünala ed implü eir pel cusgliader giuridic. Quai argumanteschan ils recurrents cul fat, ch'els as rechattan per l'üna in ün process civil cul cumün da Valsot e per l'otra in üna inquisiziun penala in basa ad ün'annunzcha penala cunter il capo, Victor Peer ed il vicecapo, Armon Mayer pervi da violaziun dal secret d'uffizi. Uschè decleran els a tuot la suprastanza per parziala.

Culla cumposiziun da trais commembers es la suprastanza adüna amo cumpetenta da decider. In basa a las explicaziuns da nos cusgliader giuridic es quai cler, cha la pretaisa da recusaziun nu's po stender sün tuot il gremi politic. I mancan là eir argumaints da recusaziun concrets cunter mincha singul commember(-a) da la suprastanza. Impustüt nu's po la pretaisa neir na referir a nos cusgliader giuridic, quai causa ch'is tratta pro sia persuna d'üna relaziun da mandat externa cul cumün, ingio chi'd es zuond dumondativ schi po insomma gnir fatta la pretaisa da recusaziun sün cusgliaders giuridics externs.

La suprastanza decida:

1. Victor Peer ed Armon Mayer piglian recusaziun in fatschendas chi pertoccan als recurrents. La suprastanza piglia nota da quai.
2. Dal rest refüsa ella las ulteriuras pretaisas da recusaziun dals recurrents.

012 Executiva
75 **Orientaziuns**

Martina Hänzi

Quella ha inoltrà sia proposta cun offerta regard l'organisaziun dal sector turissem per nos cumün. Il termin per repassar quai cun ella e la direcziun vegn fixà sün marcurdi, 24 da mai 2017 a las 13:30h. Il capo infuormescha, perintant a bun stim, a la suprastanza lasupra. Davo cha la direcziun ha trattà la fatschenda vegn quella suottamissa a la suprastanza pella surdatta dal mandat.

Corp da pumpiers Danuder

Quel ha invidà a la suprastanza ad üna visita dal local d'exposiziun, i'l qual as rechatta eir la pompa istorica da pumpiers cha Valsot vaiva regalà a Danuder. In quell'ocasiun vain eir amo surdat als da Danuder la tablina culla dedicaziun. La visita ha lö in marcurdi, als 24 da mai 2017 a las 19:30h. La suprastanza fa part. Implü sarà preschaint eir il cumandant da nos corp da pumpiers, A. Horber.

Chamonna Jon Martin Heinrich a Buorcha

Il capo ed il manader tecnic infuormeschan sur da la visita occulara ch'els han fat insembel cun rapreschantants da l'uffizi per la natüra ed ambiaint e da l'uffizi per il svilup dal territori. Quella visita es gnüda fatta per as persvader da la situaziun regard ils contuorns, per chi po lura gnir concess il permiss da fabrica.

Tanter oter han ils preschaints eir visità ils prümarans a Chant Dadaint. Là es gnü constatà, chi sun gnüdas effectuadas lavuors vi d'üna chamonna sainza inoltrar üna dumonda da fabrica. Ultra da quai es là gnü installà in vicinanza da l'object üna camera da survaglianza. Quel fat suottastà a la ledscha per la protecziun da datas. Al tangè vegn uossa dat occasiun da tour posiziun lasupra.

Festa sül premi «Acziun Dorftelefon» a Tschlin

Armon Kirchen infuormescha sur dal program da la festa chi ha lö in sonda, als 10 da gün 2017. I vegnan ingaschadas duos musicas, dimena quella da giuvenils da Ramosch e la fuormaziun da giuvenils da Tschlin «1 Prosit». Id es previs d'invidar eir a Martina Hänzi ed a la nouva directura dal TESSVM, duonna, Martina Stadler. Plünavant vegn giavüschà, cha'l capo salvess il pled da festa. Quel es perinclet cun quai. Id es qua la dumona scha'l cumün sustgniss finanzialmaing las gaschas da las duos musicas. La supranza decida da contribuir a tuottas duos parts l'import da frs. 1'000.00. Ultra da quai es ella perincletta da surtour ils cuosts da pernottaziun (1 not) per 6 persunas da la televisiun Svizra (ca. frs. 600.00), implü per duos chaistas da BUN TSCHLIN sco eir ca. frs. 200.00 per üna tschaina cun giasts invidats.

Viver in Engiadina Bassa – eir ill'età avanzada

La conferenza dals capos cumünals dals 23 marz 2017 ha decis d'iniziar aint ils 4 cumüns da l'Engiadina Bassa (Samignun, Valsot, Zernez e Scuol) ün proget per mantgnair la sandà, la mobiltà e l'indipendenza da la generaziun plü veglia, quai insembel cul uffizi da sandà dal Grischun.

Il böt es da mantgnair l'autonomia, üna buna qualità da viver sco eir las pussibilitats per contacts socials illa regiun per cha las senioras e'ls seniors possan restar il pü lönch pussibel a chasa, in lur ambiaint chi cugnuoschan. Quist böt es fixà eir aint il concept directiv per l'età avanzada dal Chantun.

Ils cumüns han incumbenzà il Center da sandà Engiadina Bassa (CSEB) da coordinar il proget illa regiun. Il post da cussagliaziun dal CSEB cun Corsina Feuerstein s'occupa da quist'incumbenza.

In ün seguond pass – d'ürant ils mais gün fin avuost – segua in tuot ils 4 cumüns cullas senioras e'ls seniors ün "lavuratori d'avegnir" per chi'd hajan la pussibiltà d'influenzar s'vess l'organisaziun da lur vita ill'età avanzada.

Armon Kirchen ha fat part al prüm inscunter d'infuormaziun e dà a la supranza las spiegaziuns necessarias. Reguard l'organisaziun da la dieta culs seniors in nos cumün s'occupan la supranza, Ursina Caviezel, insembel eir cul ravarenda Christoph Reutlinger, chi vaiva eir fat part a la dieta d'infuormaziun. Armon Kirchen e Fadri Riatsch sun ev. pronts da güdar.

012 Executiva

76 **Varia (supranza cumünala)**

Da la tractanda varia nu vegn fat adöver.

7556 Ramosch, 30.05.2017



Il capo:

Il manader administraziun: